

აჭარის ა/რ უმაღლესი საბჭოს ჯანმრთელობის დაცვისა და სოციალურ საკითხთა კომიტეტის 2025 წლის საქმიანობის ანგარიში

# აჭარის ავტონომიური რესპუბლიკის უმაღლესი საბჭოს

ჯანმრთელობის დაცვისა და სოციალურ საკითხთა კომიტეტის საქმიანობის ანგარიში

პერიოდი: 01.01.2025 – 31.12.2025

## შესავალი

წინამდებარე ანგარიში მომზადებულია კომიტეტის 2025 წლის სამოქმედო გეგმის შესაბამისად და ასახავს აჭარის ავტონომიური რესპუბლიკის უმაღლესი საბჭოს ჯანმრთელობის დაცვისა და სოციალურ საკითხთა კომიტეტის მიერ დაგეგმილი ამოცანების, აქტივობებისა და მოსალოდნელი შედეგების განხორციელების დონეს 2025 წლის 1 იანვრიდან 31 დეკემბრის ჩათვლით. ანგარიში სტრუქტურირებულია ისე, რომ თითოეული მიმართულება ასახავდეს სამოქმედო გეგმით განსაზღვრულ მიზნებს, განხორციელებულ საქმიანობასა და მიღწეულ შედეგებს.

+

## კომიტეტის ხელმძღვანელობა საანგარიშო პერიოდში

- 2025 წლის 1 იანვრიდან 11 ნოემბრამდე კომიტეტის თავმჯდომარის მოვალეობას ასრულებდა ვახტანგ ბერიძე, რომელმაც შემდგომ, არჩევნების შედეგად, ხულოს მუნიციპალიტეტის მერის თანამდებობა დაიკავა.
- 2025 წლის 13 ნოემბრიდან კომიტეტს ხელმძღვანელობს ილია ვერძაძე.

# კომიტეტის შემადგენლობა

ჯანმრთელობის დაცვისა და სოციალურ საკითხთა კომიტეტი (2025 წლის ახალი მოწვევა)

- კომიტეტის თავმჯდომარე (საანგარიშო პერიოდის განმავლობაში): ვახტანგ ბერიძე / ილია ვერძაძე
- კომიტეტის თავმჯდომარის მოადგილე: —
- კომიტეტის წევრები:
  - ფატი ხალვაში
  - დავით თედორაძე
  - ცოტნე ანანიძე
  - ნინო ჩხეტია (13.12.2025 წლიდან)

კომიტეტის აპარატი:

- აპარატის უფროსი – ლეილა ლოღობერიძე
- თავმჯდომარის თანაშემწე – ნური გორგაძე
- თავმჯდომარის თანაშემწე - ეკა ქარცივაძე (05.12.2025 წლიდან)
- უფროსი სპეციალისტი – ვახა ფუტკარაძე
- უფროსი სპეციალისტი – მარინე მანელიშვილი
- უფროსი სპეციალისტი – ინგა რომანაძე


---

## კომიტეტის საქმიანობის ძირითადი მიმართულებები, ამოცანები და ფუნქციები

კომიტეტის საქმიანობა 2025 წელს ხორციელდებოდა დამტკიცებული სამოქმედო გეგმის ფარგლებში და ეფუძნებოდა საქართველოს კონსტიტუციას, „აჭარის ავტონომიური რესპუბლიკის სტატუსის შესახებ“ საქართველოს კონსტიტუციურ კანონს, აჭარის ავტონომიური რესპუბლიკის კონსტიტუციას, უმაღლესი საბჭოს რეგლამენტსა და სხვა მოქმედ საკანონმდებლო აქტებს.

სამოქმედო გეგმით განსაზღვრული ძირითადი მიმართულებები იყო:

1. ჯანმრთელობის დაცვისა და სოციალური პოლიტიკის სფეროში საკანონმდებლო პროცესში მონაწილეობა;
2. საზედამხედველო ფუნქციის განხორციელება;
3. მოსახლეობასთან და დაინტერესებულ მხარეებთან კომუნიკაციის გაძლიერება;
4. ჯანმრთელობისა და სოციალური დაცვის პროგრამების ეფექტიანობის მონიტორინგი;
5. საერთაშორისო და ადგილობრივი თანამშრომლობის განვითარება.



აღნიშნული მიმართულებების ფარგლებში კომიტეტი ახორციელებდა:

- საკანონმდებლო საკითხების წინასწარ მომზადებას;
- უმაღლესი საბჭოს გადაწყვეტილებათა შესრულების ხელშეწყობას;
- უმაღლესი საბჭოს წინაშე ანგარიშვალდებული ორგანოებისა და მთავრობის საქმიანობის კონტროლს.

კომიტეტის საქმიანობის მთავარი მიზანი იყო რეგიონის მოსახლეობის ჯანმრთელობისა და სოციალური დაცვის სფეროში სახელმწიფო პოლიტიკის ეფექტიანი განხორციელება, რაც სრულ შესაბამისობაშია სამოქმედო გეგმით განსაზღვრულ ამოცანებთან.

---

## კომიტეტის სხდომების სტატისტიკა (სამოქმედო გეგმის ამოცანა – საკანონმდებლო და საზედამხედველო საქმიანობის უზრუნველყოფა)

სამოქმედო გეგმით განსაზღვრული ამოცანების შესრულების მიზნით, საანგარიშო პერიოდში ჩატარდა **სულ 7 სხდომა**, მათ შორის:

- კომიტეტის სხდომა – 2;
- კომიტეტების ერთობლივი სხდომა – 5.

მომზადდა **7 სხდომის ოქმი**.

სხდომებზე განხილულ იქნა **11 საკითხი**, მათ შორის:

- კანონპროექტი – 2;
- სხვადასხვა უწყებისა და დაწესებულების ხელმძღვანელთა ანგარიში/ინფორმაცია – 9.

აღნიშნული მაჩვენებლები ასახავს სამოქმედო გეგმით გათვალისწინებული საკანონმდებლო და საზედამხედველო ფუნქციების შესრულებას.

საანგარიშო პერიოდში კომიტეტმა მოამზადა **8 დასკვნა** სხვადასხვა საკანონმდებლო ინიციატივასთან დაკავშირებით.

---



## კომიტეტის სამუშაო შეხვედრები (სამოქმედო გეგმის ამოცანა – დარგობრივ საკითხებზე კონსულტაციები)

2025 წლის განმავლობაში, სამოქმედო გეგმის შესაბამისად, კომიტეტმა გამართა 10 სამუშაო შეხვედრა, რომელთა ფარგლებში განხილულ იქნა:

- სეზონური ვირუსული დაავადებების შემთხვევათა მატებასთან დაკავშირებული საკითხები;
- აუტისტური სპექტრის მქონე ბავშვთა სკრინინგის, დიაგნოსტიკის, მკურნალობისა და თანამედროვე მეთოდებზე ხელმისაწვდომობის პრობლემატიკა.

შეხვედრები გაიმართა შესაბამისი სამინისტროს, სამედიცინო დაწესებულებებისა და დარგობრივი ექსპერტების მონაწილეობით და ემსახურებოდა გადაწყვეტილებების მიღების პროცესის მტკიცებულებებზე დაფუძნებას.

---

## მოქალაქეთა განცხადებები და კორესპონდენცია (სამოქმედო გეგმის ამოცანა – მოქალაქეთა ინტერესების დაცვა)


სამოქმედო გეგმით განსაზღვრული მოქალაქეთა ჩართულობის გაძლიერების მიზნით, საანგარიშო პერიოდში კომიტეტში შემოსულია **504 წერილი**, მათ შორის:

- მოქალაქეთა განცხადებები – 140;
- ფრაქციებიდან, კომიტეტებიდან და აპარატის თანამშრომლებისგან – 114;
- კანონპროექტი – 2;
- სხვადასხვა უწყებისა და ორგანიზაციებიდან – 26;
- მოქალაქეთა განცხადებებზე რეაგირება – 222.

მოქალაქეთა განცხადებების ძირითადი ნაწილი ეხებოდა სამედიცინო მომსახურებასა და სოციალურ დახმარებას. ყველა განცხადება განხილული და დამუშავებული იქნა დადგენილ ვადებში.

საანგარიშო პერიოდში კომიტეტმა პირადად მიიღო **253 მოქალაქე**, ხოლო კომიტეტის უშუალო ჩართულობით ოპერაციული მკურნალობა დაუფინანსდა **131 მოქალაქეს**, რაც სრულად შეესაბამება სამოქმედო გეგმით გათვალისწინებულ სოციალურ პასუხისმგებლობას.

---



## **სამოქალაქო სექტორთან თანამშრომლობა (სამოქმედო გეგმის ამოცანა – პარტნიორული ურთიერთობების გაძლიერება)**

კომიტეტი სამოქმედო გეგმის შესაბამისად განსაკუთრებულ მნიშვნელობას ანიჭებდა მოსახლეობასთან, სამედიცინო პერსონალთან, სამოქალაქო სექტორთან და მედიის წარმომადგენლებთან თანამშრომლობას. შეხვედრების ფარგლებში გამოვლინდა სისტემური გამოწვევები, მათ შორის კადრების დეფიციტი, ანაზღაურების საკითხები და პირველადი ჯანდაცვის ინფრასტრუქტურის გაუმჯობესების საჭიროება, რომელთა მნიშვნელოვანი ნაწილი ეტაპობრივად გადაიჭრა.

---

## **კომიტეტის მიერ ორგანიზებული და მხარდაჭერილი ღონისძიებები (სამოქმედო გეგმის ამოცანა – საზოგადოებრივი ჯანმრთელობის ხელშეწყობა)**

სამოქმედო გეგმის შესაბამისად, 2025 წელს კომიტეტი აქტიურად იყო ჩართული როგორც ადგილობრივ, ისე საერთაშორისო ღონისძიებებში, მათ შორის:

- უფასო სამედიცინო კვლევები ქედის, შუახვევისა და ხულოს მუნიციპალიტეტებში;
  - ჯანმრთელობის, სოციალური პოლიტიკისა და დასაქმების თემატიკაზე გამართული ფორუმები, კონფერენციები და გამოფენები;
  - შშმ პირთა, ბავშვთა და ახალგაზრდების მხარდაჭერისადმი მიძღვნილი ღონისძიებები;
  - საერთაშორისო პარტნიორებთან სამუშაო შეხვედრები.
- 

## **საზედამხედველო და საკანონმდებლო საქმიანობა**

კომიტეტი სისტემატურად ახორციელებდა უმაღლესი საბჭოს წინაშე ანგარიშვალდებული ორგანოებისა და მთავრობის საქმიანობის კონტროლს. განსაკუთრებული ყურადღება დაეთმო 2025 წლის ბიუჯეტის შესრულებისა და 2026 წლის რესპუბლიკური ბიუჯეტის პროექტის განხილვას, აგრეთვე ჯანმრთელობისა და სოციალური დაცვის პროგრამების 2026-2028 წლის პრიორიტეტების განხილვას.



კომიტეტის მიერ შემუშავებული რეკომენდაციები და წინადადებები სრულ შესაბამისობაშია საქართველოს მიერ დეკლარირებულ სახელმწიფო პრიორიტეტებთან და მიზნად ისახავს რეგიონის მოსახლეობისათვის მაღალი ხარისხის სამედიცინო და სოციალური მომსახურების უზრუნველყოფას.

---

## დასკვნა

2025 წელს ჯანმრთელობის დაცვისა და სოციალურ საკითხთა კომიტეტის საქმიანობა სრულ შესაბამისობაში განხორციელდა დამტკიცებულ სამოქმედო გეგმასთან. დაგეგმილი ძირითადი მიმართულებები, ამოცანები და აქტივობები შესრულდა, რაც გამოიხატა როგორც საკანონმდებლო და საზედამხებლო საქმიანობის გაძლიერებაში, ისე მოქალაქეთა ინტერესების დაცვასა და ჯანმრთელობისა და სოციალური დაცვის სფეროში პრაქტიკული შედეგების მიღწევაში.

სამოქმედო გეგმის შესრულებამ შექმნა მყარი საფუძველი 2026 წლის პრიორიტეტების განსაზღვრისა და კომიტეტის საქმიანობის შემდგომი გაუმჯობესებისთვის.

